

मैं तो दौड़ी दौड़ी मंदरिया में,
जाऊं ए माय,
सपना में आयो सांवरियो,
म्हारा सपना में आयो सांवरियो ॥

घर में नी लागे मन बाहर लागे,
दौड़ दौड़ मन सत्संग भागे,
म्हने हरी की तो हर घड़ी आवे रे माय,
सपना में आयो सांवरियो,
म्हारा सपना में आयो सांवरियो ॥

नातो नहीं लागे मने रिश्तो नी लागे,
कोई नाती नहीं लागे मने पोती नी लागे,
म्हने नटवर नागर से नातो ए माय,
सपना में आयो सांवरियो,
म्हारा सपना में आयो सांवरियो ॥

नींद नी आवे म्हने आनंद आवे,
सपनो में आकर मन ललचावे,
मने छूम छूम करि चमकावे ए माय,
सपना में आयो सांवरियो,
म्हारा सपना में आयो सांवरियो ॥

लाज भी आवे मने घणो यो लजावे,
घर में जा सो गई लाज के मारे,
मने हिचकी दे दे बुलावे ए माय,
सपना में आयो सांवरियो,
म्हारा सपना में आयो सांवरियो ॥

खानो नहीं भावे मने पीनो नहीं भावे,
रास रचइयो म्हने घणो तरसावे,
मने मोहनिया री मूरत घणी भावे ए माय,
सपना में आयो सांवरियो,
म्हारा सपना में आयो सांवरियो ॥

कमल नी भावे मने चमन नी भावे,
गगन नी भावे मने वतन नी भावे,
काली कमली वालो घणो भावे ए माय,
सपना में आयो सांवरियो,
म्हारा सपना में आयो सांवरियो ॥

मैं तो दौड़ी दौड़ी मंदरिया में,
जाऊं ए माय,
सपना में आयो सांवरियो,
म्हारा सपना में आयो सांवरियो ॥

स्वर संत श्री कमलकिशोर जी नागर ।

Source:

<https://www.bharattemples.com/main-to-daudi-daudi-mandariya-me-jau-ae-maay/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>